

第 二 版

大清宣統新法令

第十九冊

大清宣統新法令第十九冊

目錄

頁數

上諭

憲政編查館會奏呈進現行刑律 黃冊定本摺并單

一

鑲黃旗滿洲都統那彥圖等奏遵議開放八旗兵丁餉銀摺

二五

軍諮處奏詳核紅十字會原奏敬陳管見摺

二六

督辦鹽政大臣奏江西鹽法事宜歸藩司兼管摺

二七

度支部奏鑄造國幣應一事權摺

二八

民政部奏酌擬巡警道屬官任用章程摺并單

二八

民政部奏定內外城巡警總廳錄事額缺摺

三〇

軍諮處奏遵議晉撫奏各省軍政流弊日滋摺

三〇

度支部奏遵議東督奏援案變通招墾蒙荒摺

三二

度支部奏添撥陸軍各學堂經費片

三三

會議政務處議復吉撫陳奏酌易吉省添設民官各缺並請添設雙

陽德惠兩縣摺

三四

度支部奏釐定幣制酌擬則例摺併單

三四

度支部奏籌擬舊制銀銅各幣辦法摺

三八

署理湖廣總督瑞澂奏擬定湖北各司道公費摺

三九

江督張蘇撫寶奏江蘇增設巡警道缺摺

四一

理藩部奏咨調人員附入調查編纂兩科襄理文牘片

四一

度支部奏請將官俸章程按照國幣則例釐定片

四二

學部奏釐訂實業學堂畢業年限分別辦理摺

四二

學部議覆浙撫奏變通部章准予私立學堂專習法政摺

四三

學部奏實業教育宜擇定外國語文並修改課程摺

四四

學部奏擬裁高等農業商業學堂豫科片

四五

學部奏增訂實業學堂實習分數算法摺

四五

學部奏州縣停選請將高等實業學堂獎勵章程變通改訂摺

四六

憲政編查館奏考核京外各衙門第二年第二次籌辦憲政成績摺

四六

大清宣統新法令第十九冊

上諭

上諭上年據修律大臣奏進編定現行律當經諭令憲政編查處應認真整頓以期食及該大臣等將現行刑律黃冊並按照新章修改各條繕具畫一辦法請旨辦理所妥協著卽刊刻成書頒行京外一體遵守國家律令因時損辦公之處著毋庸議欽律之預備內外問刑各衙門務當悉心講求依法聽斷毋得以保衛治安振興實業副朝廷慎刑協中之至意欽此

四月初七日

上諭鑲黃旗滿洲都統那彥圖等會奏議覆御史玉春奏開放八旗兵丁餉銀畫一辦法一摺八旗開放兵餉弊竇叢生亟應認真整頓以期食餉兵丁均霑實惠著各旗都統將從前積弊悉行剔除擬定畫一辦法請旨辦理所請原領一分辦公由部扣除按照六分數目發給專爲闔署辦公之處著毋庸議欽此

四月初九日

上諭各省添設巡警勸業兩道缺所以保衛治安振興實業皆屬新政要圖而各省或將裁缺人員改授或於候補班中按資請補名爲公道而人不稱職則事多廢弛闔閭無以保治安實業亦無振興之望此豈設官本意耶著各該督撫於已補之巡警勸業兩道人員悉心考覈如其不能勝任或於此缺不宜卽行奏明開缺另補毋得

迴護瞻徇總期爲缺擇人不爲人擇缺庶於地方有益欽此

四月初十日

上諭督辦鹽政大臣載澤奏遵旨會商一摺朝廷慎重鹽政特派大臣督辦原令直接管理以一事權而資整頓惟因疏銷緝私關涉地方故命各督撫會同辦理前據錫良等奏鹽政章程諸多窒礙當經諭令該大臣會商各督撫詳議具奏茲據覆陳會商各節朕詳加披覽該督等擬將用行政悉歸會辦之督撫是與從前督撫兼管鹽政無異朝廷何貴有此特舉耶且於前兩次諭旨毫未仰體至該督辦大臣受國重寄應如何力任其難認真籌辦乃此次僅據該督等覆電具奏意存諉卸殊負委任均著傳旨申飭所有鹽務用行政一切事宜仍著照奏定章程辦理將來如有應行變通之處著該督辦大臣隨時體察情形奏明請旨遵行鹽務關繫重要自此次嚴切申諭後務各懷遵前兩次諭旨和衷共濟相與有成若各懷挾成見因循積習斷斷權限貽誤要政惟該大臣與各督撫等是問恐不能當此重咎也將此諭令知之欽此

四月十一日

上諭上年度支部奏稱幣制重要宜策萬全當卽諭令會議政務處妥議旋經覆奏准予飭部設局調查茲據該部具奏釐定幣制酌擬則例繕單呈覽及籌擬舊幣辦法各摺朕詳加披覽所擬各節尙屬切實可行亟宜明白宣示中國國幣單位著卽定名曰圓暫就銀爲本位以一圓爲主幣重庫平七錢二分另以五角二角五分一角

三種銀幣及五分銀幣二分一分五釐一釐四種銅幣爲輔幣圓角分釐各以十進永爲定價不得任意低昂著度支部一面責成造幣廠迅卽按照所擬各項重量成色花紋鑄造新幣積有成數次第推行所有賦稅課釐必用制幣交納放款亦然並責成大清銀行會同造幣廠將新舊交換機關籌備完密一面通行各省將現鑄之大小銀銅圓一律停鑄並知照京外各衙門按照單開折合標準及改換計數名稱各條依限妥辦將來新幣發行地方所有生銀及從前鑄造各項銀銅圓准其暫照市價行用由部飭幣廠銀行逐漸收換並酌定期限停止行用迨新幣通行以後無論官私各款均以大清銀幣收發交易不得拒不受亦不准強行折扣至於僞造制幣大干例禁緝拿懲治均屬地方之責著各部院順天府及將軍都統大臣各省督撫督飭所屬各就所管事項遵照則例切實奉行並轉諭各該處商會宣演則例大意指使人人知此次改定幣制專爲便民便商劃除向來平色紛淆之弊以立清釐財政之基倘有奸商市儉藉端搖惑愚民抑揚物價卽著從嚴懲治用副朝廷利用厚生之至意餘著照所議辦理將此諭令知之欽此

四月十六日

上諭御史儼忠奏州縣懸案不結監禁多人無辜被累請飭認真查辦以維憲政一摺近來舉行憲政訟獄一事尤宜實心清理惟各省審判廳尙未能一律成立各州縣辦理命盜案件難保無羈繫牽累等弊著各直省督撫認真查核如地方官有懸案

不結無辜久禁者從嚴參辦以副朝廷矜恤庶獄之至意欽此

四月二十五日

大清宣統新法令第十九冊

●憲政編查館會奏呈進現行刑律 黃冊定本摺

宣統元年十二月二十三日臣奕劻等奏核議現行刑律繕冊呈覽一摺並聲明由臣館將前後黃冊咨交修訂法律大臣遵照向章另繕黃冊會同請旨刊印頒行等因二十四日欽奉諭旨著依議欽此欽遵咨交去後臣家本等督飭提調等官將律例正文依類排比復因殺青之役衆手疊更校讎之功艱於掃葉凡訛奪及小有牴牾之處悉心斟正又上年十二月二十八日頒行法院編制法本年三月十六日奏准變通秋審舊制所有審判之覆核京控秋審之會錄解勘與從前辦法不同均照新章更正計修改五十七條刪除十條加具按語除另繕清單進呈外統計原擬編定現行律輯刪者律文四百十四條例文一千六十六條經覆核勘正者二百六十一條現又照新章修改刪除者六十七條仍將舊律服制八圖弁冕簡端繕寫工竣分裝二函恭呈御覽應俟命下臣等兩館公同刊印頒發內外問刑衙門一體遵照至舊律軍流等罪向於律後附道里表以備臨時查照簽發此次修訂流罪照章改習工作雖不盡實發仍有應行到配之犯軍犯雖改爲安置而極邊及煙瘴二項仍應指定道里卽由臣等知照陸軍部將舊表分別去留補行刊發以符名實再臣奕劻等上年進

呈核議現行刑律 黃冊之時附片聲明現行律戶役內承繼分產婚姻田宅錢債各條應屬民事者毋再科刑仰蒙 俞允通行在案此本爲折衷新舊係指純粹之屬於民事者言之若婚姻內之搶奪姦占及背於禮教違律嫁娶田宅內之盜賣強占錢債內之費用受寄雖隸於戶役揆諸新律俱屬刑事範圍之內凡此之類均應照現行刑律科罪不得諉爲民事案件致涉輕縱合併聲明此摺係法律館主稿會同憲政編查館辦理謹奏宣統二年四月初七日奉 上諭已錄冊首

謹將現行刑律修改各條繕具清單恭呈 御覽

計開

名例上

五刑

原修改例文

一凡婦女犯罰金罪名依律處罰其犯該徒流以上除例內載明應收所習藝者一律按限工作不准論贖外其尋常各案准其贖罪徒一年贖銀二十兩每等加銀五兩至徒三年贖銀四十兩流二千里贖銀五十兩每等加銀十兩至流三千里贖銀七十兩應安置發遣者照滿流科斷如無力完繳按銀一兩折工作四日其未設有女犯習藝所地方照工作時日改爲監禁俱限滿釋放

謹按宣統元年十二月二十三日憲政編查館進呈核訂現行刑律內稱有關十惡既爲常赦所不原姦罪各條尤係風化人心所繫做照竊盜辦法增入應處罰金刑者改擬工作一條是姦罪之應處罰金者尙不能與平人一例同科則姦罪內之應處徒以上刑者更無轉擬贖緩之理本條自應於除筆增入犯姦一項以符核定之本意謹將修改例文開列於後

修改

一凡婦女犯罰金罪名依律處罰其犯該徒流以上除犯姦及例內載明應收所習藝者一律按限工作不准論贖外其尋常各案准其贖罪徒一年贖銀二十兩每等加銀五兩至徒三年贖銀四十兩流二千里贖銀五十兩每等加銀十兩至流三千里贖銀七十兩應安置發遣者照滿流科斷如無力完繳按銀一兩折工作四日其未設有女犯習藝所地方照工作時日改爲監禁俱限滿釋放

原續纂例文

一凡京外職官下及軍民人等犯徒流以上非常赦所不原者准其捐贖徒一年三品以上官捐銀一千兩四品官捐銀五百兩五六品官捐銀四百兩七品以下及進士舉人捐銀三百兩貢監生員捐銀二百兩平民捐銀一百兩每徒一等三品以上官加銀二百五十兩四品官加銀一百二十五兩五六品官加銀一百兩七品以下及

進士舉人加銀六十五兩貢監生員加銀五十兩平民加銀三十五兩由徒入流三品以上官以五百兩爲一等滿流贖銀三千五百兩四品官以二百兩爲一等滿流贖銀一千六百兩五六品官以一百五十兩爲一等滿流贖銀一千二百五十兩七品以下及進士舉人以八十兩爲一等滿流贖銀八百兩貢監生員犯流二千里贖銀四百六十兩每等加銀七十兩平民犯流二千里贖銀二百七十兩每等加銀四十五兩遣置各照滿流捐贖俟銀數完繳俱准免罪若斬絞緩決各犯如遇恩赦查辦減等後有呈請贖罪者法部核准奏明各照所減罪名捐贖

謹按此條係照光緒二十九年刑部議覆陞任山西巡撫趙爾巽條陳犯罪習藝摺內附訂捐贖新章增纂入例向章本以常赦爲斷此次修訂將大赦纂入律文範圍稍廣惟編查館續纂之例既將罰金內之情節較重者改處工作則情節相類之應處徒以上刑者自難輕予捐贖致涉牴牾擬請將例首非常赦所不原句改爲除詐僞犯姦略誘和誘及常赦所不原外以歸一律謹將修改例文開列於後

修改

一凡京外職官下及軍民人等犯徒流以上除詐僞犯姦略誘和誘及常赦所不原外准其捐贖徒一年三品以上官捐銀一千兩四品官捐銀五百兩五六品官捐銀四

百兩七品以下及進士舉人捐銀三百兩貢監生員捐銀二百兩平民捐銀一百兩
每徒一等三品以上官加銀二百五十兩四品官加銀一百二十五兩五六品官加
銀一百兩七品以下及進士舉人加銀六十五兩貢監生員加銀五十兩平民加銀
三十五兩由徒入流三品以上官以五百兩爲一等滿流贖銀三千五百兩四品官
以二百兩爲一等滿流贖銀一千六百兩五六品官以一百五十兩爲一等滿流贖
銀一千二百五十兩七品以下及進士舉人以八十兩爲一等滿流贖銀八百兩貢
監生員犯流二千里贖銀四百六十兩每等加銀七十兩平民犯流二千里贖銀二
百七十兩每等加銀四十五兩遣置各照滿流捐贖俟銀數完繳俱准免罪若斬絞
緩決各犯如遇 恩赦查辦減等後有呈請贖罪者法部核准奏明各照所減罪名
捐贖

應議者犯罪

原修改例文

一凡宗室犯案到官該衙門先訊取大概情形罪在流遣以上者隨時奏交大理院會
同宗人府審明專摺奏結如在徒罪以下咨送宗人府會同大理院訊明照例定擬
罪應擬徒者由大理院咨送法部按季彙奏罪止罰金者照例完結毋庸奏 聞若
到官時未經具奏之案審明後罪在流遣以上者仍奏明請 旨至東三省移居宗

室所犯案件俱歸各該省高等審判廳審理仍依此例按照罪名輕重分別奏咨完結

一凡宗室覺羅除犯該罰金及初犯徒流遣或再犯徒罪或先經犯徒後犯流罪仍由宗人府分別折罰圈禁外如有三次犯徒或二次犯流或一次犯徒一次犯至極邊或煙瘴安置者均擬實發盛京如二次犯徒一次犯流或一次犯流一次犯至極邊或煙瘴安置者均擬實發吉林如二次犯應安置或三次犯流或犯至外遣者均擬實發黑龍江若宗室釀成命案按律應擬斬絞監候者宗人府會同大理院先行革去宗室頂戴照平人一律問擬斬絞分別實緩仍由宗人府進呈黃冊

一已革宗室之紅帶已革覺羅之紫帶除有犯習教等重情另行奏明辦理外其犯尋常處罰並徒流以上等罪交大理院照例科斷應銷檔者免其銷檔仍准繫本身帶子

謹按宣統元年十二月二十八日憲政編查館奏核訂法院編制法摺內聲明嗣後宗室有犯在流遣以上由大理院審理徒罪以下及覺羅有犯均由高等審判廳審理等因在案是會審之制已經廢除且係分別罪名並不專屬大理院審理以上三條自應查照更正以昭畫一謹將修改例文開列於後

修改

一凡宗室犯案到官罪在流遣以上者交大理院審理如在徒罪以下及覺羅犯罪交京師高等審判廳審理至東三省移居宗室所犯案件俱歸各該省高等審判廳審理

一凡宗室覺羅除犯該罰金及初犯徒流遣或再犯徒罪或先經犯徒後犯流罪仍由宗人府分別折罰圈禁外如有三次犯徒或二次犯流或一次犯徒一次犯至安置者均擬實發盛京如二次犯徒一次犯流或一次犯流一次犯至安置者均擬實發吉林如二次犯應安置或三次犯流或犯至外遣者均擬實發黑龍江若宗室釀成命案按律應擬斬絞監候者大理院知照宗人府先行革去宗室頂戴照平人一律問擬斬絞分別實緩仍由宗人府進呈黃冊

一已革宗室之紅帶已革覺羅之紫帶除有犯習教等重情另行奏明辦理外其尋常各案照例科斷應銷檔者免其銷檔仍准繫本身帶子

犯罪存留養親

原修改例文

一凡死罪案件除謀故殺及連斃二命秋審時應入情實無疑之犯雖親老丁單毋庸聲請留養外其餘各案核其情節秋審時應入可矜者如有祖父母父母老疾應侍及孀婦獨子伊母守節二十年者該督撫查取各結聲明具奏法部隨案核覆聲請

留養其餘秋審並非應入可矜之案該督撫於定案時止將應侍緣由聲明不必分別應准不應准字樣統俟秋審時法部會同各部院核定後先將此項人犯開單進呈恭候 欽定俟奉有 諭旨法部行文各該督撫將准留各犯飭令該管州縣取具犯屬族鄰人等甘結加具印結詳報並追取收贖銀四十兩如案關人命以一半給死者家屬養贍一半入官將該犯保釋存留養親若定案時非例應留養之人迨至本屆秋審或已經秋審一次歸入舊事緩決以後核其祖父母父母已成老疾或伊母守節年分符合以及成招時家有次丁嗣經身故或被殺之人先有父母後經物故與留養之例相符者亦准其隨時隨案奏請留養 朝審案件一體遵行至留養之後復有不安分守法別生事端無論罪名輕重卽照現犯定擬不准再行聲請

一毆妻致死之案除親老丁單或孀婦獨子應准查辦留養外如父母已故別無兄弟子孫該督撫於定案時將應行承祀緣由聲明法部俟秋審後與尋常留養人犯一體開單進 呈其或定案時聲請留養之犯遇有父母先存後故與承祀之例相符者該督撫亦於秋審時確查報部統俟奉有 諭旨再行取結辦理惟所追贖銀儘數入官

一凡卑幼毆死本宗期功尊長定案時皆按律問擬概不准聲請留養其有所犯情節

實可矜憫奉 旨改爲絞監候者統俟秋審情實二次蒙 旨免勾奏明改入緩決之後由該督撫查明該犯應侍緣由於秋審時報部核辦至毆死本宗總麻外姻功總尊長如有親老丁單應行留養均俟法部於秋審時分別准留不准留開單奏明辦理

謹按宣統二年三月十六日憲政編查館奏議覆臣家本等請變通秋審覆核舊制摺內稱外省秋審由督撫布政司會審京師 朝審派覆核大臣及會同九卿審錄之制均卽停止等因奉 旨依議欽此欽遵在案以上第一條法部會同各部院句應節刪 朝審應改爲京師秋審後二條督撫字樣應改爲按察司或提法使以符定制謹將修改例文開列於後

修改

一凡死罪案件除謀故殺及連斃二命秋審時應入情實無疑之犯雖親老丁單毋庸聲請留養外其餘各案核其情節秋審時應入可矜者如有祖父母父母老疾應侍及孀婦獨子伊母守節二十年者該省按察司或提法使查取各結聲明具奏法部隨案核覆聲請留養其餘秋審並非應入可矜之案於定案時止將應侍緣由聲明不必分別應准不應准字樣統俟秋審時法部核定後先將此項人犯開單進 呈恭候 欽定俟奉有 諭旨法部札行該省按察司或提法使將准留各犯飭令該

管州縣取具犯屬族鄰人等甘結加具印結詳報並追取收贖銀四十兩如案關人命以一半給死者家屬養贍一半入官將該犯保釋存留養親若定案時非例應留養之人迨至本屆秋審或已經秋審一次歸入舊事緩決以後核其祖父母父母已成老疾或伊母守節年分符合以及成招時家有次丁嗣經身故或被殺之人先有父母後經物故與留養之例相符者亦准其隨時隨案奏請留養京師秋審案件一體遵行至留養之後復有不安分守法別生事端無論罪名輕重卽照現犯定擬不准再行聲請

一毆妻致死之案除親老丁單或孀婦獨子應准查辦留養外如父母已故別無兄弟子孫該省按察司或提法使於定案時將應行承祀緣由聲明法部俟秋審後與尋常留養人犯一體開單進呈其或定案時聲請留養之犯遇有父母先存後故與承祀之例相符者該省按察司或提法使亦於秋審時確查報部統俟奉有諭旨再行取結辦理惟所追贖銀儘數入官

一凡卑幼毆死本宗期功尊長定案時皆按律問擬概不准聲請留養其有所犯情節實可矜憫奉旨改爲絞監候者統俟秋審情實二次蒙旨免勾奏明改入緩決之後由該省按察司或提法使查明該犯應侍緣由於秋審時報部核辦至毆死本宗總麻外姻功總尊長非有親老丁單應行留養均俟法部於秋審時分別准留不